

SCRIPT OF MORNING GOJRI NEWS BULLETIN 30DEC 2025 1015HRS

مارننگ گوجری نیوز بولین 30 دسمبر 2025

یوہ آکاشوانی جموں بے محمد آسف تیں خبر سُنو۔

LG WILDLIFE

لیفٹیننٹ گورنر منوج سنہا نے لوک بھون مانہ جنگلی حیات بارے بورڈ غی 6 ویں میٹنگ غی صدارت کی بے میٹنگ غے دوران جنگلی حیات بارے محکمہ غی زمیناں مانہ تعمیر کیا جان آلا جل جیون مشن سرحدی حفاظتی فوج غی چوکیاں غی تعمیر سمیت متا سارا دوجا پروجیکٹاں غی تعمیر غی خاطر آرہی رکاوٹاں نانہ دور کرن ور غور کیو کیو میٹنگ غے دوران ایل جی موصوف نے متعلقین نانہ ہدایت کیں ہیں جے سیاحت نانہ بعاو دین غے نال نال جامبو زو جیسا دوجا پروجیکٹاں ورتیان دتو جے تان جے حیات ناں متی ترقی دتی جاسکے۔

DY CM SPORTS

نائب وزیر اعلیٰ سریندر کمار چودھری نے کہیو ہے کہ حکومت جموں کشمیر غا ہر اکن ضلع مانہ کھیڈ ٹانچہ نانہ بعاو دین غا کم ور تیان دے رئی بے جناب چوہدری نے ان گلاں غو اظہار جاتے روز ایم اے سٹیڈیم جموں مانہ منعقدہ یو ٹی سطح غا 29 واں سنوکر کھیڈ مقابلہ غی اہتامی تقریب غا موقع ور بولتیاں واں کیو تقریب توں بعد نائب وزیر اعلیٰ نے بہترین کارکردگی دسن آلاں ناں انعام وی دتا۔

JKPSC REPORT

جموں کشمیر عوامی خدمات بارے کمیشن نے 2024-25 غی سالانہ رپورٹ لوک بھون جموں مانہ لیفٹیننٹ گورنر منوج سنہا ناں جمع کرائی ہے اس موقع ور کمیشن غا چئیر مین ارون کمار چوہدری نے ایل جی موصوف ناں کمیشن غا کم کاج تے اس غے متعلق متی ساری انتظامی تبدیلیاں بارے دسیو پالیو اس دوران ایل جی موصوف نے شفاف طریقہ نال تقرری عمل مانہ آن غی خاطر کمیشن غا کم کاج غی تعاریف کی بے ملاقات غے دوران کمیشن غا چئیر مین نے لیفٹیننٹ گورنر ناں امتحان مانہ حصو لین آلا امیدواراں ناں ٹیکنالوجی غے ذریعے نوا نوٹفکیشن نظام غے نال نال پرتهی بارے نوا قاعدہ قانون غے نال نال اس سال نوا پرتهی کیا گیا ملازماں بادے تفصیلی جانکاری دتی ہے۔

YEAR END REFORMS

سال 2025 ماہ بہارت نے عالمی دنیا غا سفر مانہ نمایاں تبدیلی آئی ہے تے وزیر اعظم نریندر مودی بین العوامی سطح ور اک منیا پڑ منیا لیڈر غا طور ور باندے آیا ہی کیوں جے بہارت غی معشیت مانہ پہلاں تیں 8 عشاریہ دو فی صد غو بعاو درج کیو کیو ہے واضع رہ جے بہارت نے اومان تے نیوزیلینڈ سمیت کئی دوجا ملکاں نال بیو پار تے کاروبار غا مہابدا کیا گیا ہیں اوں دوجے پاسے بہارت نے اوپریشن سدور غے ذریعے دہشت گردی غا خاتمہ غی خاطر قرارو جواب دتو

ہے تے وزیر اعظم نریندر مودی نے بین العوامی سطح غی پارلیمنٹ ناں خطاب
کرن غے نال عالمی سطح غا 29 ایواڈ وی حاصل کیا ہیں جس خاطر بین العوامی
سطح غا لیڈراں نے اُن غی تعریف کی ہے۔

HIGH ALERT

آئیندہ نوا سال غو جشن منان غا سلسلہ مانہ جموں کشمیر غی سرحداں ور حفاظت
غا تگڑا بندوبست کیا گیا ہیں جد کہ کٹھوعہ سانہ اکھنور گریز اوڑی کرناہ تے
ٹنگ ڈار مانہ خصوصی طریقہ نال حفاظت ناں یقینی بنایو گیو ہے ذریعاں نے
دسیو ہے جے سرحدی حفاظتی فوج یعنی بی ایس ایف نوی ٹیکنالوجی نال لیس نظام
غے ذریعے دیکھ بال کر رہی ہے اس سلسلہ مانہ سرکاری ذریعاں نے دسیو ہے
جے بھارتی فوج کسے وی ناپاک حرکت غو مُنہ توڑ جواب دین غی خاطر پوری
طرح نال تیار ہے تے سرحد غا بسنیکاں تے سیلانیاں غی حفاظت ناں یقینی بنایو
جاریو ہے۔

WINTER CARNIVALS

سردیاں غو تہوار اج تیں پتنی ٹاپ مانہ شروع ہو گیو ہے واضع رہ جے دو تہاڑاں
توڑی چلن آلا اس جشن مانہ گان بجان غے نال نال مقامی کھا پین غا سامان غی
نمائش وی کی جے غی واضع رہ جے اس پروگرام ناں مزید بہتر بنان غی خاطر
پلک پنجابی غا منیا پڑ منیا گلو کار نینجا اس جشن مانہ موجود سامعین نال
خصوصی طور ور خطاب کریں گا۔

WEATHER

جموں شہر تے اس نال جڑتا دوجا علاقان مانہ تھند پین غی وجہ نال عام زندگی
بری طرح متاثر ہوئی ہے تے لوک اپنا آپ نانہ ٹھنڈ تیں بچان غی خاطر گرم کپڑا
غی ضریدادی کرتا دس رہیا ہیں اوواں محکمہ موسمیات نے جانکاری دتی ہے جے
جموں کشمیر غا پہاڑی علاقان مانہ برف جد کہ میدانی علاقان مانہ اج تیں بارش
بر سکے۔
